



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 22.5.2018

Presidi: Peer-Puorger Victor
Partecipant/s: Caviezel-Domenig Ursina
Kirchen-Werro Armon
Riatsch-Fedi Fadri
Absaint: Mayer-Schlegel Armon
Protocol: Fallet-Taverna Marco
Fabrica: Paulmichl-Rodigari Albin
Giast/s:

tractandas	tema	respunsabel
59	0120 Executiva Acconsentimaint protocol	tuots
60	0220 Uffizi da fabrica Dum. da fabrica no. 025/2018, dozzar mür da sustegn, tagliamunt e müdamaints da terrain, Janett Ursin, parcella no. 6389, Chomp Survi 1-61A, 7559 Tschlin	vp/ap
61	0220 Uffizi da fabrica Dum. da fabrica no. 022/2018, annex tanter las chasas, cun lobgia sül tet, Gottschalk-Caviezel Fadri, parcella no. 6254, Chaflur 1-136B, 7558 Strada	vp/ap
62	0220 Uffizi da fabrica Dum. da fabrica no. 017/2018, stabilimaint da bacharia e d'elavuraziun da charn, Bacharia Zanetti GmbH, parcella no. 10426, Quadra Secha 37B, 7556 Ramosch	vp/ap
63	0220 Uffizi da fabrica Dum. da fabrica no. 021/2018, implant solar sün tet, Fouquet Flurin, parcella no. 28, Favgia 209, 7557 Vnà	vp/ap
64	0220 Uffizi da fabrica Dum. da fabrica no. 002/2018, fabrichar oura la chasa, iertavels Schimun Puorger, parcella no. 252, Avant Porta 62, 7556 Ramosch	vp/ap
65	0220 Uffizi da fabrica Dum. da fabrica no. 020/2018, chamin nouv, Rüschi Martin, parcella no. 6199, Chaflur 1-134, 7558 Strada	vp/ap
66	6150 Vias cumünalas Proget mür Las Rossas, Strada	vp/ap
67	6150 Vias cumünalas Charta da Daniel Marti e Guido Brunies	vp/ap
68	8110 Agricultura Quint per vacha morta illa vasca a Sclamischo	vp/ap

69	2100 Scoula Scoula Center per la lavur da giuventüna / dumonda da princip a regard contribuziun annuala	ak/mf
70	9630 Stabels da la facultà da finanzas Chascharia Tschlin Posiziun a regard il nouv fit	vp/mf
71	7900 Planisaziun dal territori Zona da sveltezza 60 Posiziun pulizia chantunala	vp/ap
72	0120 Executiva Orientaziuns	tuots
73	0120 Executiva Varia (suprastanza cumünala)	tuots

0120 Executiva
59 **Acconsentimaint protocol**

Il protocol da la sezzüda dals 30 avrigl 2018 vegn approvà.

0220 Uffizi da fabrica
60 **Dum. da fabrica no. 025/2018, dozzar mür da sustegn, tagliamunt e müdamaints da terrain, Janett Ursin, parcella no. 6389, Chomp Survi 1-61A, 7559 Tschlin**

La dumonda es statta publichada fin als 7 da mai 2018 ed i nu sun entradas ingünas protestas. Il mür as rechatta sülla parcella cumünala. Seguond il resultat da la statica da l'indschegner das-cha quel gnir dozzà per max. 50 cm.

La suprastanza conceda il permiss, pretenda però, cha la saiv gnia in mincha cas darcheu rimplazzada.

0220 Uffizi da fabrica
61 **Dum. da fabrica no. 022/2018, annex tanter las chasas, cun lobgia sül tet, Gottschalk-Caviezel Fadri, parcella no. 6254, Chaflur 1-136B, 7558 Strada**

l's tratta da la construcziun d'ün annex our da lain tanter las duos chasas cun lasura üna lobgia. La publicaziun da fabrica es scadüda als 7 da mai 2018 ed i nu sun entradas ingünas protestas. La suprastanza es perincletta cun quai e conceda quel permiss.

0220 Uffizi da fabrica
62 **Dum. da fabrica no. 017/2018, stabilimaint da bacharia e d'elavuraziun da charn, Bacharia Zanetti GmbH, parcella no. 10426, Quadra Secha 37B, 7556 Ramosch**

La dumonda es statta publichada fin als 7 da mai 2018 ed i nu sun entradas ingünas protestas. Il stabilimaint vain a star tuottafat sün ün plan cun üna lunghezza da 55,20 m e cun üna larghezza da 15,90 m. Quel es gnü diminui per part quai chi evitescha alchüns problems, sco. p.ex. nu bsögna quai plü drets per fabricar plü dastrusch reg. distanzas da cunfin e plü ingüns conflicts culla lingia existenta da chanalizaziun.

Distanzas: vers ost 2.50 m, vers süd 2.50 m, vers vest 3.38 m, vers nord 7.19 m, dimena quellas as cunfan cullas prescripziuns da la ledscha.

Seguond la dumonda da fabrica vain l'aua meteora pumpada sü illa lingia cumünala. Quai es gnü approvà davart da l'uffizi per la natüra ed ambiaint. Quel pretenda amo d'ürant il proceder da fabrica chi til gnia suottamiss l'indriz previs per fümantar charn ad examinaziun.

Pell'aua persa sto amo gnir inoltrà ün plan culla lingia da chanalizaziun. Il sang nu das-cha gnir manà illa sarinera, quel sto gnir allontanà in möd separà. Ultra da quai pretenda l'uffizi per la natüra ed ambiaint ün zavrader da grass.

L'aldüm / zocca cha'l muvel chaschuna sto medemmamaing gnir allontanà in möd separà da la sarinera. L'uffizi per industria, mansteranza e lavur ha valütà il stabilimaint sco previs per in uorden. Cur cha tuot es lura drizzà aint vain quel collaudà. Il medem vala eir davart da l'uffizi da mangiativas e sandà d'animals.

Il permiss davart da l'uffizi da pulizia da fö es avantman.

I manca amo il permiss davart da l'uffizi da construcziun bassa a regard il sboccamaint sülla via maistra.

Areg. las fatschadas vain preparà d'ürant il temp da fabrica ün muoster pella raboccadüra. Quellas vegnan isoladas dadoura. Il tet vain construi cun ün'ala.

La suprastanza conceda il permiss culla resalva da l'acconsentimaint da l'uffizi da construcziun bassa, chi seguirà amo.

- 0220 Uffizi da fabrica
63 **Dum. da fabrica no. 021/2018, implant solar sün tet, Fouquet Flurin, parcella no. 28, Favgia 209, 7557 Vnà**

Sülla publicaziun da fabrica nu sun entradas ingünas protestas. Il patrun da fabrica prevezza da munir la chasa Soldanella cun ün indriz solar sül tet (6,3 m lunghezza, 2,35 m larghezza). Implü prevezza il petent da dozzar il nivel da l'indriz vers l'ala dal tet per 50 cm.

La suprastanza conceda il permiss. Ella refüsa però l'intent da dozzar il nivel – l'indriz ha da gnir installà in möd plat sül tet.

- 0220 Uffizi da fabrica
64 **Dum. da fabrica no. 002/2018, fabbricar oura la chasa, iertavels Schimun Puorger, parcella no. 252, Avant Porta 62, 7556 Ramosch**

Sülla publicaziun da fabrica nu sun entradas ingünas protestas. Illa fatschada süd es previssa üna fanestra implü (chadafö), ultra da quai ün üsch da balcun. La grondezza da las fanestras resta in möd oriund – i vain però müdà il möd da duos alas sün ün'ala. Illa fatschada süd e vest es previssa üna lobia suot tet cun ün intagl illas fatschadas. Tuot ils permiss supplementars sun avantman.

La suprastanza es perincletta cun quai e conceda il permiss.

- 0220 Uffizi da fabrica
65 **Dum. da fabrica no. 020/2018, chamin nouv, Rüschi Martin, parcella no. 6199, Chafur 1-134, 7558 Strada**

Il manader tecnic infuormescha lasupra. Il permiss davart da l'uffizi da pulizia da fö es avantman. Medemmamaing ha il vaschin dat seis acconsentiment in scrit.

La suprastanza es perincletta cun quai e conceda il permiss da fabrica.

- 6150 Vias cumünalas
66 **Proget mür Las Rossas, Strada**

Oriundamaing d'eira avantman üna calculaziun da cuosts pella construcziun d'ün nouv mür da sustegn da ca. frs. 362'000.00. La direcziun vaiva incumbenzà a l'indschegner da surelavurar quella, causa cha tala nu staiva in relaziun. Uossa es avantman üna varianta chi prevezza da sanar il mür existent. Quella bsögna eir be plü 4 lös ingio chi vegnan fixadas ancoras.

La somma d'investiziun as diminuischa uschè sün var frs. 160'000.00.

La suprastanza va daperüna cun quista nouva varianta e decida da tilla aderir. La dumonda da credit sto lura gnir suottamissa a la radunanza cumünala. I vain uossa examinà da realisar quist proget ev. amo quist on.

- 6150 Vias cumünalas
67 **Charta da Daniel Marti e Guido Brunies**

Tanter las chasas d'abitar dals manzunats as rechatta üna surfatscha chi'd es in possess cumünal, il rest fuorma possess privat. Uossa dumondan quels scha'l cumün nu füss pront da munir sia part da la surfatscha cun salaschada, els munissan lura eir lur parts privatas cun salaschada raduonda. Latras füss scholt il problem da patoche chi regna davant lur chasas. Percunter füssan els pronti da surtour la rumida da naiv da tuot quella piazza.

Els suottamettan ün'offerta sur d'üna somma da frs. 13'957.90. La suprastanza riva a la conclusiun, cha'l cumün nu po entrar sün quella dumonda d'investiziun, quai our da motivs da pregüdizi. In nos cumün as rechattan amo diversas da quellas situaziuns.

Uschè decida la suprastanza da refüsar la dumonda. Ils petents pon munir la surfatscha dal cumün cun salascha, però ad agen quint.

8110 Agricoltura

68 **Quint per vacha morta illa vasca a Sclamischo**

Il manzunà infuormescha, cha la sgüranza AXA haja pajà pel don da sia vacha la somma da frs. 2'450.00. Plünavant manzuna quel cha la vacha, üna original brüna, vaiva üna valur da CHF 3'900.00, implü ils cuosts d'allontanamaint da frs. 150.00. Implü saja el stat duos eivnas occupà culla tschercha da la vacha, quai chi'd es stat fich dischagreabel. Dürant quel temp sun els stats diversas jadas in 2 fin 4 personas sül lö, quai chi til ha chaschunà cuosts da frs. 500.00, uschè cha tuot il don s'amunta a bundant frs. 4'550.00.

Ils cuosts restants importan frs. 2'100.00. Seguond seis avis es la somma da frs. 1'600.00, cha'l cumün pudess surtour plü sco güstifichada.

La suprastanza riva a la conclusiun, cha'l cumün nun ha quattras ingüna cuolpa ed uschè neir na ingüns obligs da surtour dons. La sgüranza ha reglà il don ed ils cuosts supplementars sun uschè fatschenda dal tangà.

La suprastanza decida da refüsar la dumonda.

Ella es però pronta da sclerir cullas OEE schi'd existan ev. amo plüssas da quellas vascas, quai per evitar ulteriurs da quels accidaints, impustüt eir cun personas. Ultra da quai decid'ella d'infuormar a las OEE, cha'l cumün nu surpiglia ingüna respunsabilità per accidaints cha quellas vascas pudessan chaschunar. In cas schi vessan d'exister ulteriuras da quellas vascas, dessan las OEE cuvernar quellas subit in möd chi saja exclus chi succedan accidaints.

2100 Scoula

69 **Scoula**

Center per la lavur da giuventüna / dumonda da princip a regard contribuziun annuala

Cussagl da scoula / center per la lavur da giuventüna

Il suprant, Armon Kirchen, infuormescha. Il cumün da Zernez es vi da la realisaziun d'ün center per la lavur da giuventüna. Quel prevezza da publichar d'ürant l'on da scoula 18/19 üna piazza da ca. 30% per quai. A chaschun d'üna sezzüda cumünai vla dals presidents dals cussagls da las scoulas, Scuol, Zernez e Valsot es gnü discus l'ev. opziun d'augmentar il pensum dal lavuraint social da Zernez per ca. 10% e da spordscher lura eir amo oters progets sur ün di o eir sur üna fin d'eivna a Scuol opür a Valsot.

Il cussagl da scoula da Valsot suottametta la dumonda da princip, scha la suprastanza füss pronta d'acconsentir üna somma annuala da partecipaziun per nos cumün da ca. frs. 5'000.00. Ils detagls gnissan lura amo discussiunats.

La suprastanza va daperüna cun quai. Uschè po il cussagl da scoula perseguitar la fatschenda e cur cha tala as concretisescha dess quel infuormar lasupra a la suprastanza.

9630 Stabels da la facultà da finanzas

70 **Chascharia Tschlin**

Posiziun dal fittadin a regard il nouv fit

Quel declera d'esser pront da pajar ün fit da frs. 300.00 e manzuna cha quel saja il dubel plü ot co quel fin da qua.

La direenziun vaiva propuonü als fittadins frs. 600.00. Ella es perincletta cul fit da frs. 300.00, il qual es adüna amo bass e quel nu güstifichescha, cha'l cumün surpiglia in avegnir cuosts da mantegnimaint, quels restan inavant oblig dals fittadins. La surtutta dals cuosts pel nouv fuond da bundant frs. 30'000.00 fuorma ün'excepciun unica.

7900 Planisaziun dal territori

71 **Zona da sveltezza 60**

Posiziun pulizia chantunala

Zona da tempo 60 sülla via maistra / charta d'ün'abitanta a la pulizia chantunala

Suot Ramosch sülla via maistra regna il tempo 60 e quai fin pro la Punt Pedra. La manzunada ha intervenà in scrit pro la pulizia chantunala cul impuls chi's dess spostar la tabla da tempo 60 fin davo la Punt Pedra vers Scuol.

La pulizia chantunala ha tut posiziun in sen, ch'ella dess as volver per quai vers il cumün da Valsot.

La suprastanza decida da na entrar in chosa, quai pervi:

- chi nun es gnanca realistic ch'is traficha sün quella punt cun üna sveltezza da sur 60 km l'ura
- chi nu fa sen d'introdüer quel proceder, pel qual ils cuosts nu stan in relaziun
- chi's tratta qua d'ün'intervenziun d'üna unica persuna. A la suprastanza nun es ün'intervenziun in fatschenda davart dals abitants o eir d'otras varts mai statta cuntschainta.

0120 Executiva

72 **Orientaziuns**

Votumaziuns e tschernas dals 10 da gün 2018

Il büro electoral as cumpuona dal chanzlist, da la suprastanta, Ursina Caviezel e da la giansuna, Hannah Mayer.

Festa Naziunala 2018

La suprastanza destinescha sco lö uffizial da la festa a Strada – giò Ischla. L'ustaria vegn surdatta a la giuventüna da Strada/Martina. Sco oratur figüra il nouv tschernü grondcusglier.

0120 Executiva

73 **Varia (suprastanza cumünala)**

Da la tractanda varia nu vegn fat adöver.

7556 Ramosch, 04.06.2018



Il capo:

Il manader administraziun: